



Publicaziuns dalla vischnaunca, jamna 13

Damonda da baghegiar

2022-1018.000

Datum dalla publicaziun: 1. d'avrel 2022

Il patrun: Armin Manetsch, Via America 8, 7183 Mumpé Medel

Il representant: Armin Manetsch, Via America 8, 7183 Mumpé Medel

Object: Correctura dil terren pigl access tier igl edifeci nr. 486, parcelas 2506 e 2503, Via Sogn Valentin 9, 7183 Mumpé Medel

Protestas:

Ilis plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascreta dil recurrent ni da siu representant.

Disentis/Mustér, igl 1. d'avrel 2022

Uffeci da baghegiar Disentis/Mustér

Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziou suandont project:

Nr. 2022-2020.000

Walter Andriuet, 17/13 Moo 1 Samaesan Sattahip, 20180 C Honburi (Thailand); sanaziun energetica dil tetg, parcella 648, Via Dulezi 9, 7180 Disentis/Mustér.

Disentis/Mustér, ils 1-4-2022

Uffeci da baghegiar Disentis/Mustér

Cussegl da vischnaunca

Rapport dalla seduta dils 25-3-2022

Il cussegl da vischnaunca ha approbau la revisiun totala dalla lescha davart l'economisaziun dils rufids.

Venderdis, ils 25 da mars 2022, ha giu liug ella Sala Fontauna la 12. seduta dil cussegl da vischnaunca dalla perioda d'uffeci 2021/2024. El center dalla seduta ei stau la revisiun totala dalla lescha davart l'economisaziun dils rufids. Il cussegl da vischnaunca ha approbau unanimamein la revisiun totala. Plinavon ha il cussegl da vischnaunca approbau la revisiun parziala dil plan general d'avertura dil project «Punt pendent» e quella dalla «Scursalera Catrina» (Rodelbahn).

Il cussegl da vischnaunca ha sut l'egida da siu president **Adrian Deflorin** approbau la revisiun totala dalla lescha davart l'economisaziun dils rufids e dil regulativ da taxas. Quella ei stada necessaria per garantir el futur in quen ulivau per la dismessa da rumien e per simplificar igl sistem actual che datescha digl onn 1999 e corrispunda cun endisch differentas categorias da taxas buca pli al temps dad oz. Il niev sistem da taxaziun sebasea egl avegnir per l'ina sin ina taxa fundamentala dalla Regiun Surselva e per l'autra sin ina taxa fundamentala communal, las qualas vegnan eruidas sin fundament dalla valeta nova dil baghetg. Cun la flexibilitad da saver fixar annualmein l'altezia dalla taxa fundamentala communal eis ei pusseivel dad haver el futur in quen ulivau concernent l'economisaziun dils rufids. Plinavon ha il cussegl da vischnaunca concediu in credit da frs. 120 000.– per la cumpra d'ina stadera pil Center da rimnada Raveras. Cheutras sa scadin dismetter el futur siu rufid bloccont per in prezi tenor peisa. Il conclus pertuccont la revisiun totala dalla lescha davart l'economisaziun dils rufids vegn conform agl art. 21, lit b dalla constituziun communal suttamessa al referendum facultativ. La revisiun totala va en vigur cugl 1. da schaner 2023.



Ultra da quei ha il cussegl da vischnaunca approbau la revisiun parziala dil plan general d'avertura e dil plan da zonas dalla Scursalera Catrina (Rodelbahn). Cun la construcziun d'ina nova scursalera (Rodelbahn) a Caischavedra augmentan las Pendicularas Mustér l'attractivitat dalla destinaziun cun in'ulteriura purschida turistica. Il plan da zonas cun ina zona dil spazi d'auas pil dutg enteifer il perimeter digl anteriur laghet a Caischavedra vegn suttamess alla votaziun dil pievel dils 15 da matg 2022.

Suenter la presentaziun dil project «Punt pendent» entras il president dall'uniun «la pendent», Christian Loretz, a caschun dalla davosa seduta dil fevrer 2022 ha il cussegl da vischnaunca uss approbau la revisiun parziala dil plan general d'avertura. La stad 2022 duei suandar l'approbaziun entras la Regenza grischuna. Silsuenter sa vegnir instradau la procedura per la lubientscha da baghegiar. Il project dad 1,8 milliuns francs preveda la construcziun dalla pli liunga punt pendent dil Grischun cun ina lunghezza da rodond 300 meters.

Suprastonza communal

Referendum facultativ

A caschun da sia seduta dils 25 da mars 2022 ha il cussegl da vischnaunca approbau unanimamein la revisiun totala dalla lescha davart l'economisaziun dils rufids e dil regulativ da taxas leutier.

Conform ad art. 21 lit. b dalla constituziun communal ei quei conclus suttamess al referendum facultativ. Il messadi davart la revisiun totala dalla lescha cun la lescha revedida ed il regulativ da taxas tier la lescha davart l'economisaziun dils rufids ein exponi per investa en casa communal (stanza nr. 10).

Enteifer 20 dis dapi la publicaziun officiala han 80 votants la pusseivladad d'inoltrar enviers sura conclus il referendum e pretender ina votaziun dil pievel.

Suprastonza communal

Lenna da brisch

Damondas per lenna da brisch (**pégn ni lenna dira**) ein da far **en scret entochen ils 13 d'avrel 2022** agl uffeci forestal dalla vischnaunca da Mustér, Simon Cathomen, caum postal 57, 7180 Disentis/Mustér ni per e-mail; uaul@disentis.ch. Per plascher indicar il sortiment giavischau (lenna sort ni lenna fendida) ed il quantum. Sin giavisch vegn la lenna era furnida franco a casa.

Lenna sin il tschep vegn mo vendida, sche las premissas pertuccont scolaziun minimala da luvrers d'ual ein garantidas. La cumpra da lenna sin il tschep sto vegnir reglada en in contract da cumpra.

Uffeci forestal Disentis/Mustér

Agricoltura – Sera d'informaziun

Preziadas convischinas, preziai convischins

Bugen envidein nus Vus ad ina sera informativa en connex cul concept da qualitat dalla cuntrada e separaziun d'ual e dalla pastira sco era davart damondas che sedattan enviers l'agricultura ed il turissem, **gliendisdis, ils 4 d'avrel 2022, allas 20.15 el Center sursilvan d'agricultura a Salaplauna.**

Nus vegnin a tematisar las sfidas en connex cun tgauns da protecziun e muntaneras agl ur da vias, sendas e trutgs da viandar. Tgei mesiras san ins prender per meglierar la situaziun denter viandonts e tgauns da protecziun. Plinavon retscheveis Vus investa en fatgs davart la protecziun da nies uaul sco era informaziun davart la nova lescha pil manteniment dallas ovras da meglieraziun.

Nus selegrein sin in bien decuors dalla sera.

Departament d'agricultura, gerau Clemens Berther



Clom d'urgenza 118

Preziadas vischinas, preziai vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da personas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn!
Vos Pumpiers Sursassiala

Di da suppa

Dumengia, ils 3 d'avrel, organisescha la pleiv s. Gions ensemen culla pleiv reformada il di da suppa en halla Cons. Allas 10.30 ei messa en baselgia s. Gions, silsunter ein tuts envidai ad in sempel gentar en halla Cons. Il recav da quei di va cumpleinamein en favur dils fugitivs dall'uiara ell'Ucraina. Nus sperein sin stedia participaziun.

Nus rimnein rauba pils fugitivs dall'Ucraina

Venderdis, igl 1. d'avrel 2022, 17.00–21.00

Sonda, ils 2 d'avrel 2022, 9.00–18.00

Liug: staziun da viafier Mustér

Ina survesta davart la rauba che vegn rimnada anfleis Vus sut: www.disentis.ch/agenda

Vischnaunca Disentis/Mustér, Fundaziun Tür auf – mo vinavon, Uniun samaritana Mustér, Juventetgna Cadi

PS/SP Surselva und Verda/Grüne

Sentupadas cun personalitads, candidatas e candidats per l'elecziun el Cussegl grond dils **15 da matg 2022**: tedlar – discuorer / zuhören – diskutieren. Die Anlässe sind öffentlich. Alle Interessierten sind (unabhängig von der Parteipolitik) herzlich eingeladen.

9. April 2022

Jacqueline Badran, Nationalrätin SP des Kt. Zürich, Vizepräsidentin SP Schweiz «**Gemeinsame Interessen Stadt/Land?**»

Vals, Restaurant «Edelweiss», 9.00 Uhr

Ilanz, Aula Schulhaus, 11.00 Uhr

Disentis, «Nangijala Bar», 15.00 Uhr

Alp Cristallina

Cordiala invitaziun tier nossa radunonza generala da proprietaris da dretgs d'alp che ha liug **venderdis, ils 8-4-2022**, allas 20.00 ell'ustria «Cresta» a Segnas. Sco usitau vegn purschiu ina tscheina a tuts presents. Propostas san vegnir inoltradas a scret al president Anselm Sialm tochen ils 6-4-2022.

Sin stedia participaziun selegra la suprastonza



Producziuns finalas – Movis

Juhui! Finalmein astgein nus puspei sepresentar.

Nus affons, giuvenils e carschi da Mustér e las vischnauncas vischinontas presentein cun anim e plascher nossas coreografias che nus havein exercitau duront igl onn da sault 2021/22.

Cu? sonda, ils 9-4-2022, allas 20.00
dumengia, ils 10-4-2022, allas 14.00
Nua? Halla Cons, Mustér

Tanzaufführung – Movis

Juhui! Endlich dürfen wir wieder auftreten.

Wir Kinder, Jugendliche und Erwachsenen von Disentis und Umgebung präsentieren mit Freude und Begeisterung unsere Choreografien, die wir während des Tanzjahres 2021/22 einstudiert haben.

Wann? Samstag, 9.4.2022, um 20.00 Uhr
Sonntag, 10.4.2022, um 14.00 Uhr
Wo? Halle Cons, Disentis

Vegni e mirei! Nus selegrein da Vossa viseta ils Movis

TCS Sektion Graubünden – Regionalgruppe Surselva

Einladung zur Generalversammlung am Freitag, 8. April 2022, 19.30 Uhr im Restaurant «Rätia», Disentis. Anschliessend an die Generalversammlung offerieren wir unseren Mitgliedern ein feines Nachtessen. Der Vorstand der Regionalgruppe Surselva freut sich über Ihre Teilnahme.
